

AI-KO (25)

1 Ai ah! chit ê siâⁿ chiông-chêng peh-sìⁿ
moá-moá, taⁿ cháiⁿ-iūⁿ ko·-toaⁿ teh chē!

Chiông-chêng tī liát-kok-tiong choē-toā-ê,
taⁿ keng-jiân chhin-chhiūⁿ koáⁿ-hū;

Chiông-chêng tī chiaⁿ ê séng-tiong chun i
choē ông-hō--ê, Taⁿ chiâⁿ-choē chìn-kòng--ê.

²I mī-kan toā thi-khàu, bák-sái lâu kàu
moá-bīn;

Tī it-chhè chhin-ài ê lāng ê tiong-kan bô
chít-ê an-ùi i;

I ê pêng-iú lóng ēng khú-chà khoá-thāi i,
In chiâⁿ-choē i ê tui-ték.

³Iū-tāi in-ūi tú-tiōh khó·lān, koh in-ūi siū-
tiōh choē-choē lô-khó·, chiū chhian-soá kàu
goā-pang;

I tiām tī iⁿ-pang-tiong bô thang chhē-tiōh
an-hioh;

Tui-jip i--ê tī oēh-oēh ê só·-chāi lóng jip-
tiōh i.

⁴Sek-an ê lō·-keng pi-siong, in-ūi bô lāng
hù i ê choeh-kī;

I ê siâⁿ-mng lóng léng-chēng, i ê chē-si thó·-
khui;

I ê chāi-sek-lú kan-lân, i pún-sin iā iu-khó·.

⁵I ê tui-ték choē-thâu, i ê kiū-siū heng-
thong;

In-ūi Iā-hô-hoa ūi-tiōh i choē-choē poē-gék,
hō· i siū-khó·;

I ê gín-ná hō· tui-ték liáh--khì.

⁶Sek-an ê cha-bó·-kiáⁿ, i ê súi it-chīn bô-
khì;

I ê kùi-chók chhin-chhiūⁿ chhē bô chháu-
tiūⁿ ê lók.

In bô khui-lát, siū-koáⁿ tī tui-jip ê lāng ê
bīn-chēng.

⁷Iā-lō·-sat-léng tī hoān-lān khún-tiōk ê sí,

Chiū tui-siūⁿ chá-si it-chhè hoaⁿ-hí ê sū;

I ê peh-siⁿ hām-lóh tī tui-ték ê chhiú, bô
lāng kiū-hō· i ê sí,

Tui-ték khoàⁿ-kìⁿ chiū thí-chhiò i ê léng-
chēng.

⁸Iā-lō·-sat-léng toā-toā hoān-choē; só·-í
chiâⁿ-choē bô chheng-khì ê mih;

Pêng-sò· chun-keng i-ê, taⁿ khoàⁿ-kìⁿ i
chhiaⁿ-sin lō·-thé, chiū lóng khoàⁿ-khin i;

I ka-kī iā thó·-khui, tò-thè.

⁹I ê ù-oè tī i ê saⁿ-á-ku; i bô siūⁿ-tiōh i ê
kiat-kiók;

Só·-í tú-tiōh hui-siōng ê lông-poē; bô lāng
an-ùi i.

Iā-hô-hoa ah, kiū Lí khoàⁿ goá ê khó·-lān;
in-ūi tui-ték ka-kī khoa-toā.

¹⁰Tui-ték chhun-chhiú, chhiúⁿ i it-chhè ê
pó-mih;

I khoàⁿ-kìⁿ goā-pang lāng jip i ê sèng-só·,
Chiū-sī Lí bat hoan-hù m̄-thang jip Lí ê
hoē-tiong ê.

¹¹I ê peh-siⁿ lóng thó·-khui, sì-koē chhē
chiaⁿ-mih;

In ēng hó-mih oāⁿ bí-niū, ài kiù sīⁿ-miā;
Iâ-hô-hoa ah, kiù Lí khoàⁿ-kò; in-ūi goá sī
chin pi-chiān.

¹²Hoān-nā tui chia kè ê lâng ah, chit ê sū
kiám kap lí bô kan-siáp mah?

Chhiáⁿ khoàⁿ goá só· tú-tiòh ê iu-būn, ū
sím-mih iu-būn thang pí-phēng,

Chiū-sī Iâ-hô-hoa tī I toā siū-khì ê jít só·
kiáⁿ tī goá--ê.

¹³I tui téng-bīn kàng-lóh hé, jíp goá ê kut
lái khak-iāⁿ--i;

I tiuⁿ lô-bāng, tīⁿ-poàⁿ goá ê kha, hō· goá
oát-tò-túg;

I hō· goá thong-jít léng-chēng, hūn--khì.

¹⁴Goá choē-koà ê taⁿ, sī I ê chhiú só· pák--ê;

Ká kui-tiâu, hē tī goá ê âm-kún; hō· goá ê
khui-lát bô--khì;

Chú kau goá tī tui-ték ê chhiú, goá só· tí-
tng boē-tiâu--ê.

¹⁵Goá siāⁿ-tiòng ê ióng-sū, Chú m̄-tih--i;

Chú chio-chíp toā ê hoē lái kong-kek goá,
chè-ap goá ê siâu-liân lâng;

Chú táh Iū-tāi ê chāi-sek-lú, chhin-chhiūⁿ
tī chiú-khut-tiong.

¹⁶Goá in-ūi chia ê tãi-chì thī-khâu, goá ê
bák-chiu bak-sái chhē-chhē-tò;

In-ūi hū-chhi goá ê sīⁿ-miā lái an-ùi goá--ê,
lī-khui goá chin-hng.

Goá ê kiáⁿ-jī bô i-oá, in-ūi tui-ték khak-iāⁿ.

¹⁷Sek-an chhun-chhiú, bô lâng an-ùi i;

Lūn-kàu Ngá-kok, Iâ-hô-hoa í-keng chhut
bēng-lēng, hō· sī-ùi ê lâng choè i ê tui-ték;

Iâ-lō·sat-léng tī in tiòng-kan, chhin-chhiūⁿ
bô chheng-khì ê mih.

¹⁸Iâ-hô-hoa sī kong-gī, in-ūi goá ū poē-gék
I ê bēng-lēng;

Chèng peh-sīⁿ ah, chhiáⁿ thiaⁿ, khoàⁿ goá
ê thòng-khók;

Goá chia ê chāi-sek-lú kap siâu-liân lâng
lóng hō· lâng liáh--khì.

¹⁹Goá kiò chhin-ài ê lâng, chóng-sī in khi-
piàn goá;

Goá ê chè-si, goá ê tiúⁿ-ló, teh chhē kiù-miā
ê bí-niū;

Hit-sī chiū tng-khùi tī siāⁿ-lāi.

²⁰Iâ-hô-hoa ah, goá tī hoān-lân tiòng chhiáⁿ
Lí lái kàm-chhat;

Goá ê sim-tng kiau-ká, goá ê sim tī goá ê
lāi-bīn loān-chau-chau; in-ūi goá toā-toā poē-
gék.

Tī goā-bīn to-kiám hō· lâng sí-kiáⁿ; tī chhù-
lāi chhin-chhiūⁿ ū sí-sit.

²¹In thiaⁿ-kìⁿ goá thó·-khùi, iáh bô lâng an-
ùi goá;

Goá ê tui-ték lóng thiaⁿ-kìⁿ goá só· tú-tiòh
ê hoān-lân, in-ūi Lí choè chit ê sū, in lóng
hoaⁿ-hí;

Lí beh hō· pò-kò ê jít kàu, in chiū chhin-
chhiūⁿ goá.

²²Goān in pháiⁿ ê só·-kiáⁿ, lóng pài tī Lí ê
bīn-chēng;

Lí ūi-tiòh goá it-chhè ê choē-koà, cháiⁿ-iūⁿ
khoán-thāi goá, kiù Lí chiàu án-ni khoán-thāi
in;

In-ūi goá ê thó·-khùi chin-choē, goá ê sim
iáh hūn-khì.

2 Ai ah! Chú siū-khì, hō· o·-hūn jia-khàm
Sek-an ê cha-bó·-kiáⁿ;

I chiong Í-sek-liát ê súi tui thiⁿ hiat lóh toē;

Tī I siū-khì ê jít, iáh bô liām-tiòh I ê kha-
táh-í.

²Chú thún-táh Ngá-kok it-chhè khiā-khí ê
só·-chāi, iáh bô lín-bín;

I siū-khì chia-tó Iū-tāi cha-bó·-kiáⁿ ê oē-
só·, hō· i tó kàu pīⁿ-toē;

I lēng-jiók chit-kok, kap i ê kùi-chók.

³I ê siū-khì chin liát, it-chīn chām-tng Í-sek-liát ê kak;

Tī tui-ték ê bīn-chêng, kiu I ê chiàⁿ-chhiú;

I chhin-chhiūⁿ sì-úi thun-biát ê hé-iām, chiong Ngá-kok sio-lio--khì.

⁴I khui-keng chhin-chhiūⁿ tui-ték, I khiā-teh kiáh-khí chiàⁿ-chhiú chhin-chhiūⁿ kiū-siū,

Iáh it-chīn châu-biát bák-chiu só· hoaⁿ-hí-ê;

Tī Sek-an cha-bó·-kiáⁿ ê pò·-pīⁿ, piàⁿ-chhut I ê toā siū-khì chhin-chhiūⁿ hé chit-iūⁿ.

⁵Chú pīⁿ-choè chhin-chhiūⁿ tui-ték, thun-biát Í-sek-liát;

I thun-biát it-chhè i ê kiong-tiān, I húi-hoāi i hiah ê oē-só;

Tī Iū-tāi cha-bó·-kiáⁿ ê tiong-kan, ke-thiⁿ choē-choē pi-siong kap pi-ai.

⁶I chhut-lát thiah-húi I ê lī-pa, chhin-chhiūⁿ hoe-hng;

I húi-hoāi I chū-hoē ê só·-chāi;

Só· tiāⁿ-tiòh ê choeh-kí kap an-hioh-jit, tī Sek-an lóng boē-kì-tit; Iā-hô-hoa hō· i án-ni;

Koh tī I ê siū-khì thòng-hūn tiong, khoàⁿ-khin kun-ông kap chè-si.

⁷Chú khì-sak I ê chè-toāⁿ, iām-òⁿ I ê sèng-só;

Chiong I ê kiong-tiān ê chhiūⁿ kau tī tui-ték ê chhiú;

In tī Iā-hô-hoa ê chhù hoā-hoā-háu, chhin-chhiūⁿ tī choeh-kí ê jit chit-iūⁿ.

⁸Sek-an cha-bó·-kiáⁿ ê siāⁿ-chhiūⁿ, Iā-hô-hoa koat-ì beh thiah-húi;

I khan chin-soàⁿ, tit-tit húi-biát, chhiú bô kiu tò-túg;

I hō· goā-chhiūⁿ kap siāⁿ-chhiūⁿ lóng pi-ai; choè chit-ē soe-pāi.

⁹I ê mng tim-lòh toē, Chú húi-hoāi at-chit i ê mng-kong;

I ê kun-ông kap kùi-chók toà tī bô hoat-lút ê liát-kok tiong;

I ê sian-ti bô tit-tiòh Iā-hô-hoa ê khé-sī.

¹⁰Sek-an cha-bó·-kiáⁿ ê tióng-ló chē tī thô·kha, chēng-chēng bô siaⁿ;

Ēng thô·hún sám thâu-khak; ēng môa-pò·hā-io;

Iā-lō·-sat-léng ê chāi-sek-lú thâu-khak chhih-lòh toē.

¹¹Goá ê bák-chiu lâu bák-sái tì-kàu ian-ñg, goá ê sim-tng kiau-ká.

Goá ê koaⁿ-táⁿ tui-lòh toē, in-úi goá ê peh-siⁿ ê cha-bó·-kiáⁿ tú-tiòh húi-biát;

Koh in-úi gín-ná kap chiáh-lin-ê tī siāⁿ-lāi ê koe-lō· hūn-khì.

¹²In tī siāⁿ-lāi koe-lō· hūn--khì, chhin-chhiūⁿ siū-siong--ê,

Tī lâu-bú ê sim-hoai khui beh tng;

Hit-si tui lâu-bú kóng, Gō·kak kap chiú tī toh-lòh?

¹³Iā-lō·-sat-léng ê cha-bó·-kiáⁿ ah, Goá beh cháiⁿ-iūⁿ ūi lí choè kan-chèng? Goá beh ēng sím-mih phì-jū lí ah?

Sek-an ê chāi-sek-lú ah, Goá beh ēng sím-mih pí-phēng lí, hō· lí tit-tiòh an-úi ah?

In-úi lí ê siong-chhiūⁿ toā chhin-chhiūⁿ hái; chī-chhiū oē i-hó lí ah?

¹⁴Lí ê sian-ti thoē lí khoàⁿ hu-ké kap gū-gōng ê ĩⁿ-siōng;

Bô hián-chhut lí ê choē-koà, thang hō· lí siū-liáh-ê tò-túg--lāi;

Tók-tók thoē lí khoàⁿ hu-ké ê khé-sī, kap siū chhian-soá ê in-toaⁿ nā-tiāⁿ.

¹⁵Kiⁿ-nā kè-lō· lāng lóng kā lí phah phók-á;

In ñg Iā-lō·-sat-léng ê cha-bó·-kiáⁿ, thichhiò iō-thâu, kóng:

Chit ê siāⁿ kiám-sī lāng só· chheng chấp-chiok súi, choè choān-toē só· hoaⁿ-hí-ê mah?

¹⁶Lí ê tùi-ték lóng òng lí toā-toā khui i ê chhui;

In thí-chhiò koh kā-khí, kóng, Goán ū thun-biát i;

Che chin-chiàⁿ sī goán só· òng-bāng ê jít; taⁿ goán ū tú-tiòh, goán ū khoàⁿ-kìⁿ.

¹⁷Iâ-hô-hoa ū chiáⁿ I só· tiāⁿ-tiòh;

Èng-giām I chá-sí só· bēng-lēng ê oē;

I chhia-tó iáh bô pó-sioh;

Hō· tùi-ték tùi lí tãi-iát,

Hō· lí ê tùi-ték ê kak kiáh-koàiⁿ.

¹⁸In ê sim kiû-kiò Chú;

Sek-an cha-bó·-kiáⁿ ê chhiūⁿ ah, lí tiòh mī-jít lâu bák-sái chhin-chhiūⁿ khoe;

Lí m̄-thang hioh-khùn, lí ê bák-chiu-jîn tiòh lâu bák-sái bô soah.

¹⁹Mī-kan oāⁿ-kìⁿ ê sī, tiòh khí-lâi kiû-kiò;

Tī Chú ê bīn-chēng piàⁿ-chhut lí ê sim chhin-chhiūⁿ chú;

Lí ê gín-ná tī koe-chhi-kháu in-ūi iau hūn-khì;

Lí tiòh ūi-tiòh in ê sīⁿ-miā òng Chú kiáh-chhiú lâi kī-tó.

²⁰Iâ-hô-hoa ah, kiû Lí kàm-chhat, khoàⁿ Lí òng chī-chui án-ni kiāⁿ!

Hū-jîn-lâng kiám thang chiáh in só· siⁿ-ê, chhiú só· phō ê eⁿ-á mah?

Chè-si kap sian-ti kiám thang tī Chú ê sèng-só· siū thài mah?

²¹Gín-ná kap lâu-lâng tó tī koe-lō· ê thô·kha;

Goá chiah ê chāi-sek-lú kap chòng-teng tó tī to-ē;

Lí siū-khì ê jít thài-sí in; Lí thài-sí in, iáh bô lín-bín.

²²Lí kiò sī-ūi thang kiaⁿ-hiāⁿ--ê kàu tī goá, chhin-chhiūⁿ tī choeh-kì ê jít.

Tī Iâ-hô-hoa siū-khì ê jít, bô lāng ū thoat-lī, iáh bô lāng lâu-teh;

Goá só· phō só· io--ê, tùi-ték kā i thài-sí liáu-liáu.

3 In-ūi Chú siū-khì ê koáiⁿ-á lâi tú-tiòh kan-khó·-ê, goá chiū-sī hit ê lāng.

²I chhoā goá, hō· goá kiāⁿ tī o--àm, bô tī kng-bēng.

³I chin-chiàⁿ thong-jít táuh-táuh chhut-chhiú kong-kek goá.

⁴I hō· goá ê bah kap phê ta-la--khì; I at-chih goá ê kut-thâu.

⁵I khí thô·tui kong-kek goá, ēng khó·-tók ê mih kap kan-lân ūi-khùn goá.

⁶I hō· goá toà tī o--àm ê só·-chāi, chhin-chhiūⁿ sí kú-kú ê lāng chit-iūⁿ.

⁷I ēng lī-pa ūi goá, hō· goá cháu boē chhut, I hō· goá ê thih-liān ná tâng.

⁸Goá ai-kiò kiû pang-chān ê sī, I hō· goá ê kī-tó boē tit-tiòh thiaⁿ-kìⁿ.

⁹I ēng kè-phah ê chiòh-thâu that-bát goá ê lō·, I hō· goá ê lō· oan-khiau.

¹⁰I tùi-tī goá chhin-chhiūⁿ hīm bài-hók--teh, chhin-chhiūⁿ sai tiām àm-bát ê só·-chāi.

¹¹I hō· goá bê-lō·, kā goá thiah-chhui; hō· goá léng-chēng.

¹²I khui-keng, ēng goá choè chīⁿ-pé.

¹³I ēng chīⁿ-tē ê chīⁿ siā-jíp goá ê chōng-hú.

¹⁴Goá chiāⁿ-choè goá ê peh-siⁿ ê chhiò-piⁿ; in thong-jít ēng goá choè koa-khek.

¹⁵I ēng khó·-tók ê mih chhiong-moá goá, ēng in-tin kā goá koàn kàu kiaⁿ.

¹⁶I ēng soa-bú-liáp phah-chih goá ê chhui-khí, ēng hé-hu sám goá ê sin-khu.

¹⁷Lí hō· goá ê sim lī-khui pēng-an hng-hng; goá boē-kì-tit hok-khì.

¹⁸Goá chiū kóng, Goá ê khui-lát soe-pāi, koh goá tī Iâ-hô-hoa hia, lóng bô òng-bāng.

¹⁹Kiū lí kì-tit goá ê khùn-khó·, goá ê kan-lân, chhin-chhiūⁿ in-tín khó·-táⁿ.

²⁰Goá ê sim tui-siūⁿ chiah-ê chiū tī goá ê pak-lāi ut-būn.

²¹Goá ê sim tò-túg siūⁿ chit ê sū, só·-í goá ū òng-bāng,

²²Goán bô tì-kàu biát-bô, sī tui Iâ-hô-hoa chiah ê chū-ài: in-ūi I ê lín-bín bû-kiông-chīn.

²³Chú ê jîn-chū ták chá-khí oāⁿ-sin; Lí ê sêng-sit kék-kí khoah-toā.

²⁴Goá ê sim kóng, Iâ-hô-hoa sī goá ê ki-giap; in-ūi án-ni goá beh òng-bāng I.

²⁵Kiⁿ-nā theng-hāu Iâ-hô-hoa, chhē-kiū I-ê, I beh si-un hō·--i.

²⁶Ōng-bāng Iâ-hô-hoa ê chín-kiū, chēng-chēng theng-hāu, che sī hó.

²⁷Lāng siāu-liân ê sí pē i ê taⁿ, che sī hó.

²⁸I tiōh ka-kī chē, bô choè-siaⁿ, in-ūi chit ê taⁿ sī Iâ-hô-hoa hē tī i ê sin-chiūⁿ.

²⁹I ê chhui tiōh àⁿ tī tìn-ai, kiám-chhái ū òng-bāng.

³⁰I tiōh kù-chāi lāng phah chhui-phoé, moá-moá siū lēng-jiók.

³¹In-ūi Chú tek-khak bô éng-oán khi-sak lāng.

³²Chú sui-jiân hō· lāng in-būn, iáu-kú beh chiàu I pah-poaⁿ ê chū-ài, hoat-chhut lín-bín.

³³I hō· lāng siū-khó· iu-būn, m̄-sī I só· kam-sim.

³⁴Lāng chiong sè-chiūⁿ siū koaiⁿ-kaⁿ--ê táh tī kha-ē,

³⁵Á-sī tī Chì-koaiⁿ--ê ê bīn-chēng un-khut lāng,

³⁶Á-sī oan-óng lāng ê àn-kiāⁿ, che sī Chú só· bô hoaⁿ-hí.

³⁷Nā m̄-sī Chú só· bēng-lēng, chī-chui oē kóng--i chiū-chiāⁿ?

³⁸Hó-pháiⁿ-tāi kiám-m̄-sī chhut tī Chì-koaiⁿ--ê ê chhui mah?

³⁹Lāng oáh tī sè-kan, in-ūi ka-kī ê choē-koà siū hēng-hoát, siáⁿ-sū ai-oàn?

⁴⁰Lán tiōh séng-chhat, chhâ-khó lán ê lō·; koh oát-túg lâi kui Iâ-hô-hoa.

⁴¹Lán tiōh hiân-sim kiáh-chhiú, òng thiⁿ-téng ê Siōng-tè.

⁴²Goán hoan-choē poē-gék, Lí bô sià-bián.

⁴³Lí ēng siū-khi tà--goán, tui-jip--goán; Lí kiāⁿ châu-biát, iáh bô lín-bín.

⁴⁴Lí ēng bát-hún jia-khàm ka-kī, tì-kàu kí-tó boē-oē thau-kè.

⁴⁵Lí hō· goán tī bān peh-siⁿ ê tióng-kan chiāⁿ-choē ù-oē siū khi-sak ê mih.

⁴⁶Goán ê tui-ték lóng òng goán toā-toā khui-chhui.

⁴⁷Kiaⁿ-hiāⁿ kap hām-khiⁿ, chân-hāi kap hui-biát, lóng kàu tī goán.

⁴⁸Goá ê peh-siⁿ ê cha-bó·-kiáⁿ tú-tiōh hui-biát, in-ūi án-ni goá lâu bák-sái chhin-chhiūⁿ khoe.

⁴⁹Goá ê bák-chiu lâu bák-sái, bô theng bô soah,

⁵⁰Tit-tit theng-hāu Iâ-hô-hoa àⁿ-lòh khoàⁿ, tui thiⁿ kām-chhat.

⁵¹In-ūi goá ê siāⁿ chiah ê cha-bó·-kiáⁿ, hō· goá chhiok-bók sióng-sim.

⁵²Bô in-toaⁿ kap goá choē kiū-siū--ê tui-jip goá, chhin-chhiūⁿ jip chiáu-á chit-iūⁿ.

⁵³In hō· goá ê siⁿ-miā sí tī hām-khiⁿ, ēng chit tè chiōh-thâu thūn tī goá ê téng-bīn.

⁵⁴Choē-choē chui im-kè goá ê thau-khak; goá kóng, Goá bô miā lah.

⁵⁵Iâ-hô-hoa ah, goá tui chhim ê hām-khiⁿ kiū-kiò Lí ê miā.

⁵⁶Lí bat thiaⁿ goá ê siaⁿ; goá ê thoeh-khui kiū-kiò, Lí bók-tit ng hī-khang m̄-thiaⁿ.

⁵⁷Goá kiû-kiò Lí ê jít, Lí kûn-oá goá, kóng, M-bián kiaⁿ.

⁵⁸Chú ah, Lí sin goá ê oan-óng, Lí kiù-siòk goá ê sìn-miã.

⁵⁹Iâ-hô-hoa ah, Lí khoàⁿ-kìⁿ goá só· siū ê un-khut, kiû Lí kâ goá phoàⁿ-toàn.

⁶⁰In oàn-hûn goá, bô·-hâi goá, Lí lóng ū khoàⁿ-kìⁿ.

⁶¹Iâ-hô-hoa ah, in loé-mē goá, bô·-hâi goá, Lí lóng ū thiaⁿ-kìⁿ;

⁶²Iâh thiaⁿ-kìⁿ hiah-ê khí--lâi kong-kek goá ê lóng só· kóng--ê, í-kíp thong-jít só· siat beh hâi goá ê kè-bô·.

⁶³Kiû Lí koan-khoàⁿ, in chē-teh á-sī khí--lâi, lóng êng goá choè in ê koa-khek,

⁶⁴Iâ-hô-hoa ah, Lí tiòh chiàu in ê chhiú só· choè--ê, lâi pò-èng in.

⁶⁵Lí tiòh hō· in ê sim kong-ngī, hō· Lí ê chiù-chó· kàu tī in.

⁶⁶Lí tiòh hoat-chhut siū-khì tui-koáⁿ in; tùi Iâ-hô-hoa ê thiⁿ-ē châu-biát in.

4 Ai ah, ng-kim thè-kng! hó-kim piàn-sek! Sèng-só· ê chiòh hiat tī tak tiâu koe-chhi-kháu.

²Sek-an pó-kùi ê cheng-kiáⁿ thang pí-phēng hó-kim,

Hiân-chāi cháiⁿ-iūⁿ khoàⁿ-choè sio-hui lóng só·-choè ê hui-khì!

³Iá-káu siōng-chhiáⁿ ēng ni-thâu hō· i ê kiáⁿ suh;

Goá ê peh-sìⁿ ê hū-jîn-lâng hoán-túg pìⁿ-choè chân-jím, chhin-chhiūⁿ không-ia ê tô-chiáu.

⁴Chiáh-ni ê eⁿ-á, i ê chhih ta-sò, khih tī chiūⁿ-kiuⁿ;

Gín-ná thó-piáⁿ, bô lóng peh hō· i.

⁵Pêng-sò· chiáh hó-mih--ê, taⁿ tī koe-lō· bô i-oá;

Pêng-sò· khùn tī chu-âng jiòk-á, taⁿ tó tī pùn-sò-tui.

⁶Goá ê peh-sìⁿ ê cha-bó·-kiáⁿ ê choē-koà, pí Sò·-to-má ê choē-ok khah-tāng;

I bák-nih-kú tó-hoài, m-sī lóng ê chhiú hō· i án-ni.

⁷Sek-an ê sè-ka pêng-sò· pí seh khah chheng-khì, pí leng khah-pèh,

In ê sin-thé pí âng-pó-gèk khah-âng, chhin-chhiūⁿ lâm-pó-chiòh ê kng-kút.

⁸Taⁿ in ê bīn pí hé-thoàⁿ khah-o·; tī koe-lō·--nih bô lóng oē jīn--tit;

In chit-tēng-phê pìⁿ chit-tēng-kut, ko·-tâ chhin-chhiūⁿ chit-ki ta-chhâ.

⁹Hō· to thâi-sí--ê pí gō-sí--ê, iáu khah-tit;

In-ūi sī khiàm-khek chhin-hng ê thó·-sán, chiām-chiām siau-bô, chhin-chhiūⁿ chhi chhák thau-kè.

¹⁰Chū-sim ê hū-jîn-lâng chhin-chhiú chú i ê kiáⁿ;

Goá ê peh-sìⁿ ê cha-bó·-kiáⁿ tú-tiòh hui-biát ê sí, ēng chit-ê choè bí-niū.

¹¹Iâ-hô-hoa it-chīn hoat-chhut I ê siū-khì, piàn-chhut I ê toā siū-khì;

Khi-hé tī Sek-an, sio i hiah ê toē-ki.

¹²Toē-chiūⁿ ê kun-ông, kap sè-kan khiā-khí ê peh-sìⁿ,

Lóng m-sin tui-ték kap kiū-siū oē jlp Iâ-lō·-sat-léng ê siáⁿ-mng.

¹³Che sī in-ūi i ê sian-ti ê choē-ok, i ê chè-si ê kè-sit;

In tī siáⁿ-lâi lâu lóng ê huìh.

¹⁴In tī koe-lō· chhin-chhiūⁿ chhiⁿ-mî--ê loān-loān kiáⁿ, koh hō· huìh bak lâ-sâm,

Ti-kàu lóng m-káⁿ bong in ê saⁿ.

¹⁵Lâng hoah in kóng, Siám-khui, bô chheng-khì--ê! Siám-khui, siám-khui, m-thang bong;

In tô-cháu sî-koè-liû ê sî, liát-pang-tiong ê
lâng kóng, M̄-thang hō· i iáu kià-kha tī-chia.

¹⁶Iâ-hô-hoa siū-khì koáⁿ in, bô koh koàn-
kò· in!

Lâng bô chun-tiōng chè-si, iā bô keng
tióng-ló.

¹⁷Goán iáu teh ñg-bāng pang-chān, tì-kàu
bák-chiu ian-ñg, iû-goân sī khang-khang;

Goán tī liâu-bāng ê só·-chāi, liâu-bāng chit-
ê boē-oē kiù-lâng ê kok.

¹⁸In chhin-chhiūⁿ phah-láh--ê tui-jip goán
ê kha-pō·, tì-kàu goán m̄-káⁿ kiâⁿ tī goán ê
koe-lō·!

Goán ê kiát-kiòk kün lah, goán ê jít-chí
moá lah; in-üi goán ê kiát-kiòk kàu lah.

¹⁹Tui-jip goán--ê, pí khong-tiong ê eng-
chiáu khah-kín!

In tī soaⁿ--nih tui-jip goán; tī khòng-iá bái-
hók tng-tán goán.

²⁰Iâ-hô-hoa só· boah-iû-ê, thang pí-phēng
goán phīⁿ-khang-lāi ê khui, tī in ê hām-khiⁿ-
lāi hō· lâng liáh--tiòh!

Lün-kàu i, goán bat kóng, Goán beh tī i ê
tì-ìm-ē, oah tī liát-kok-tiong.

²¹Khiā-khí O·-su toē Í-tong ê cha-bó·-kiáⁿ
ah, choè lí hoaⁿ-hí khoài-lók!

Chóng-sī khó·-poe iáh beh phāng kàu lí hia;
lí beh lim kàu chui, ka-kī theng-theh-theh.

²²Sek-an ê cha-bó·-kiáⁿ ah, lí ê choē-koà ê
hēng-hoat í-keng chīn lah.

Iâ-hô-hoa tek-khak bô hō· lí koh siū-liáh;
Í-tong ê cha-bó·-kiáⁿ ah, I beh pān lí ê choē-
koà;

I beh hián-bēng lí ê choē-ok.

5 Iâ-hô-hoa ah, kiû Lí kì-liām goán só· tú-
tiòh ê sū;

Khoàⁿ goán só· siū ê lēng-jiók, lâi kām-
chhat--i.

²Goán ê sán-giáp kui tī goā-pang lâng,
Goán ê chhù-théh kui tī pát-chók.

³Goán sī bô lâu-pē ê ko·-jī,
Goán ê lâu-bú chhin-chhiūⁿ koáⁿ-hū.

⁴Goán tiòh chhut gūn chiaⁿ ũ chui thang
lim,

Goán hiāⁿ-chhâ iáh tiòh boé.

⁵Tui-jip goán--ê chhih--tiòh goán ê ām-kún;
Goán ià-siān, boē tit-tiòh hiòh-khùn.

⁶Goán tau-hāng Ai-kip lâng kap A-sút
lâng,

In-üi beh tit-tiòh bí-niû thang chiaⁿ-pá.

⁷Goán ê liát-chó· hoān-choē, taⁿ in bô--khì
lah;

Goán tiòh tam-tng in ê choē-koà.

⁸Lô·-pók koán-hat goán;
Bô lâng kiù goán thoat-lī in ê chhiú.

⁹Goán piàⁿ sîⁿ-miā lâi tit-tiòh bí-niû,
In-üi ũ to-kiām tī khòng-iá.

¹⁰Goán ê phê-hu o· chhin-chhiūⁿ hé-lô·,
In-üi ki-hng lâi hoat-jiát.

¹¹In tī Sek-an kiông-kan hū-jîn-lâng,
Í-kip Iû-tāi chiaⁿ ê siāⁿ ê chāi-sek-lú.

¹²In pák hiah ê kui-chók ê chhiú, ká in tiâu
lī toē;

Kiⁿ-tiòh lâu-toā ê bīn, iáh bô chun-keng.

¹³Siâu-liân lâng kng chiòh-bō,
Gín-á taⁿ-chhâ, tì-kàu poah-tó.

¹⁴Lâu-lâng bô koh chē tī siāⁿ-m̄ng-kháu,
Siâu-liân lâng bô koh chok-gák.

¹⁵Goán ê sim khoài-lók í-keng soah,
Goán ê thiâu-bú pìⁿ-choē pi-ai.

¹⁶Goán thau-khak-téng ê bián-liû ka-lauh,
Goán ũ chai-ē ah! in-üi goán ũ hoān-choē.

¹⁷In-üi án-ni, goán ê sim hūn--khì;
In-üi án-ni, goán ê bák-chiu hoe.

¹⁸Sī üi-tiòh Sek-an soaⁿ pha-hng;
Soaⁿ-káu kiâⁿ-iû tī hit téng-bīn.

¹⁹Iâ-hô-hoa ah, Lí sī éng-oán tī-teh;
Lí ê pó-chō tãi-tãi bô soah.

²⁰Lí siáⁿ-sū éng-oán boē-kì-tit goán?
Siáⁿ-sū khi-sak goán kàu hiah-kú?

²¹Iâ-hô-hoa ah, kiû Lí hō· goán oát-tng kui
Lí; goán chiū oát-tng.

Kiû Lí oāⁿ-sin goán ê jít, chhin-chhiūⁿ chá-sī chít-iūⁿ.

²²Lí it-chīn khi-sak goán,
Siū-khi goán kàu-kék.